

# 1. Zajtschne a wjazorne modleña.

## Zajtschne modleñe na ñezelu.

We tom mēnu Boga togo Woschza, Ssyna a swētego Ducha! Sñezjo! slysch moj głoß, gaž ja wołam, buž mē gnadny a hußlysch mē!

**S**hwalony buži ty, moj Jezus, ty Sñes togo swētego dña, a chwalone buži twojo mē pscheze a nimerie; pscheto ty sy we tej sachadnejsch nozy žyweñe a dobrošč nademnu žynil, a twojo sa mnu gledaie jo moj dych hobswarnowalo. Ty sy sebe moj zorašch wjazorny hopor gnadnie dał spodobasch, a sy mē we tej nozy wēñe hobswarnowal. Twoje swēte janzele sy ako wērne Wēchtare hokolo mojeje postole tu wachu žaržali, a tu schidnoscz a moz togo zarta knizomu huzynili. Twoja smilnoscz jo se mno a tych lubnych mojich hutschobne gorejsela, a ty sy mē spod tym chłodkom twojeju schidlowu s'chowal. Jezus, moj Sñes a moj Bog! kał deru ja tebe ñeto sarownasch schyknuu twoju dobrošč, kotaruž ty nademnu žynisch? Ja som tašeje twojeje dobrošchi a wērnosczzi ñedostojny, a ja ñamogu tebe pschi mojej ñamozy niz hopokasasch, ñežli až ja se tebe s'hustami a s'hutschobu žekuju a schi chwalim. Ja zu se tebe žekowasch we tej sgromazine,